

四庫全書

集部

欽定四庫全書

淨德集卷三十一

宋 呂陶 撰

七言古詩

雪意

凄風向晚來何頻  
潛與嘉雪為塗津  
重雲固結慘不動  
六幕莽蕩空無塵  
信哉北帝舉東令  
肅清萬類猶時巡  
人思沾被率土濱  
有若渴者欲飲醇  
儻施餘潤及芽蘗

寸草亦望繁如茵嘗聞洛陽縱高臥抑有郢客歌陽春  
何如酒陣與之敵却退寒色其威振天心安肯靳一灑  
化力自可周羣倫黎明忽見已盈尺良瑞豈止山溢銀  
預知豐年此足賀十空九室皆斯民

苦寒

朔風屢起聲驅雷濃霜不許晨暉開天高地遠豪籥動  
凝然一氣從中來坤靈至靜體堅厚大罅忽裂如剪裁  
河流迅疾猛如箭一朝水合鋪瓊瑰山川色勢尚慘沮

安恨草木遭衰摧，  
陰交盛固如此均。  
被和煦何時哉，  
傳聞西徼有積雪。  
平地數尺光皚皚，  
賊兵夜凍多死者。  
萬象已望穹廬迴。

有感

春秋二百四十年，  
彗星三見書簡編。  
當時災異豈止此，  
無乃舊史失其傳。  
咸平距今十八載，  
數出妖象垂經躔。  
聖君憂勞畏天戒，  
責躬下詔殊測然。  
吏之不良民失職，  
思得讜諭繩諸愆。  
太平日久德澤厚，  
濟濟多士追昔賢。

窮幽極遠盡聞命愛君慮國誰敢先聞陳藥石宜有補  
勿謂綸綍為虛言

焦夫子畫

予不見夫子之身不知夫子何如人但見蘊之為之贊  
興可筆其神二公規鑒少許與獨于夫子何勤勤意是  
抱道者有志不得伸潔操蜀江泉樓心岷嶺雲野飯有  
藜糝濁杯無醪醇平居不荷蓀來者莫問津笑歌千古  
已白日睥睨六合皆紅塵氣貌特怪陋意味尤酸辛破

褐聊被體如敝履之安貧爬癢頗適興如捫虱之自珍  
五六十載一邑間安寧鬼亂昏復晨世累不我及浩然  
保天真上問西南維是古多隱淪令伯純好任公賢風  
範皆足師吾民仲元高明君平晦聲迹長共日月新當  
時傳公議後世仰嘉問夫子雖不違見于繪像詩興文  
清標可想味素節難等倫從此千萬年焜耀寂寞濱

貽草萊章簪

漢焰中熄哀平微子雲有道不有時立言盡括二儀數

八十一首淵而微至神不形復不見玄道固非入易知  
劉歆嘗恐覆瓿切憤學者斯言垂桓譚亦謂傳必久  
賤近貴遠可逆推史臣俗筆擬僭號數字豈免萬世譏  
侯芭英骨久沒地千均難用一髮維幸且綿綿未歇絕  
果與後代揚雄期環中先生悟達者力舉雄道潛其思  
著圖課見歷象運發隱扣達乾坤機深嗟范望用心苦  
意與測異將奚歸乃覃精義述講疏直論雄心非詭隨  
愚聞是書百日就瀝懇再拜求觀之先生訓我有大略

筆端粗可言毫釐在玄曰首易曰卦玄準易象測準詞  
方州部家雖列位非類六爻高與卑第當縱橫以算計  
豈可運缺如象為夜詞多凶畫多吉陽家貴偶陰家奇  
謹持此理讀九贊人事粗可詳其宜餘地三極蘊奧妙  
一朝未許以意窺我從誨言日兔兔姑若得濟終無涯  
性庸才下道悠遠策發未進吁可悲願從諸生北面請  
庶幾一釋終身疑

以茶寄宋君儀有詩見荅和之



九峰之民多種茶山村櫛比千萬家朝晡伏臘皆仰此  
累歲憑恃為生涯一朝使者忽禁權振舉法令搖三巴  
錐刀盡毫髮鞭朴過網罟悲者西南人生長逢勲華垂  
髻以來至白首未識此事徒憂嗟議欲伐茗薺不如植  
木麻一花五出最為早焙戶常于火前造春來畏罪不  
敢言芽甲任隨黃葉老安得仙崖凝露膏寄與交朋叙  
勤好廣平先生風格清坐聽萬事心無營日高睡覺懶  
慵起不欲世態昏瞳睛誠宜玉筒摘佳品或向武夷搜

早英汲將楚谷水就取石鼎烹可以助君淳深幽寂之  
道味高古平淡之詩情小方片甲泊鱗翼凡下不足論  
芳馨西湖所採者抑亦傳虛名不執符移往不由關市  
征而乃輒贈遺豈非干典刑高賢接物自無間野夫得  
以芹為誠長謠三百言重報不稱輕文錦方能致珠琲  
木瓜安敢邀瑰瓊再拜捧嘉貺讀之如寵驚感君裁詩  
誤題品勸君避惠宜詳審平日視世途孤心已寒凜坐  
逢俗客不須嘗亦恐持之為冒禁

和蒙軒

蒙軒高占山之垭其上五頂皆生茶仙崖雲霧不復見  
上峯紫筍今為嘉地宜物產種植廣疲民所恃如禾麻  
朝晡衣食足生計賦稅力役供王家頃者儉人獻權議  
百弊滋長多藥茅川馳陸走窮歲月泣血無告天之涯  
近從吾蜀遠秦陝生意凋落成咨嗟天高聽卑詔令下  
欲使德澤沾荒遐使節西來善詢度剗削弊蠹除網置  
山翁野老盡欣悅市井歌舞尤諠譁憑軒一望快遠目

滿山和氣凝丹霞聖君仁政賢臣布信矣原隰生光華

遊文水壽寧院

原註武后  
母葬院側

重巖一水源何長下浸十頃同江鄉環堤數里植垂柳  
綠陰交蓋西風涼危橋迤邐渡前岸古寺直枕山之岡  
門闌闕邃戶庭闔金碧間關皆煌煌并人事佛素已謹  
挾以富力尤輝光三朝宸札舊所賜奎文寶蹟人間藏  
有如方嶽處厚地鎮壓萬衆傳無疆西園嘉卉不知數  
春暉盡許開琳琅東偏小池亦足愛秋色未老芙蓉香

寺旁有曰武陵者高碑大字言其詳武周一旦改唐祚  
天傾地轉無乾綱睿皇書碑李嶠記常時氣燄安可量  
神功距此四百載孤墳雖在郊原荒年年秋潦過墳側  
枯盡白草空斜陽且憐景物為一飲誰暇對酒論興亡

送程彞仲赴東川教授

與君同縣又同甲家世相同學為業陪從最舊今老矣  
四十餘年如一霎吁嗟先德去已久後嗣皆能守家法  
君之一第得稍晚更向小官勤檢押鄉閭執友在嗣禁

奉詔親題薦賢劄美材猶未立朝庭歸馭依然走川峽  
文章近歲頗頗靡庠序得人須鎮壓欲疎密網在提綱  
思過狂瀾當下楮由來文黨俗寢盛定見子昂才不乏  
羨君高堂有慈母日侍歡顏問單袂寶牋銀絡累年封  
他日恩書應滿匣聖君文母切求治數路招來不爲狹  
讀書到老必有用一發胸中補熙洽喬松千支雪中青  
肯向西風感衰颯

次伯通雲頂山長句韻

金淵地界東西州諺云錦擔垂兩頭中間石城最佳勝  
二十餘年嘗再遊奇峰雖向郡城見好景半是僧家收  
松蘿四面圍絕頂九夏不暑長如秋東隅忽值海日出  
下照巖壑無深幽羣陰破散宿霧斂萬象開闊晴雲浮  
軒牕高處氣勢別縱欲極望誠難周藍凝後嶂遠更秀  
雪壅前溪寒不流軟草將春鹿麋麋濃林未暝蟬啾啾  
禪僧上堂演佛理鏗然鍾韻喧層樓問之浮世輒不語  
應笑世人多謬悠下山儻有頓悟者直須作意無遲留

贈平羌狄尉

梁公沒世五百年殊勲茂烈存簡編我懷忠議不復見  
讀至舊史嘗喟然窮山老尉有狄氏問之乃曰公其先  
誥書家牒盡炳炳照出往事如目前念公英節不見矣  
見公遠孫良可賢況公遠孫實賢者本末趣尚疇能肩  
昔從五季衰亂來簪組飄墜歸農廛平時下詔繼絕世  
霍以一命聊褒甄天資忠孝遂奮激報祖許國惟勤拳  
胸中已有霜雪在飲冰食蘖甘如飴嘗云起迹自畎畝



幸得寸祿因賞延語言動靜苟一失辱及吾祖為欺天  
信者清白與剛毅異代猶有芳風傳如何十載走塵坌  
綠髮減盡成華顛青雲岐路苦悠遠誰借跬步為階緣  
當途達者倘在念一顧可使羽翼軒不惟廉操足敦勸  
抑見祖德光緜緜嗟予之意止如此感憤為君書此篇

送曾尉

前年到官殊未久君亦東來為我友握手一笑萬愁寬  
平日語言期白首山深縣僻庶事荒雖植嘉苗半根莠

我無長術剗芽蘖坐見斯民顏甚厚君有豪才生顯家  
未涉要津甘五斗已將客意同休戚復視世途均好醜  
咄嗟吾屬皆壯年當學古人所無苟勞生險易固多岐  
未必功名垂不朽自知物理難揆量惟勵身規務特守  
丈夫實蘊四方志方虔君命方趨走崎嶇一邑勿云遠  
赤子歡迎如父母銅梁春晚亦開花猛駕歸軒會文酒  
和運判孫聖微遊大慈

西州都會坤之維地產豐美人熙熙朝廷念遠勤撫養

欲壯心腹強四肢精求守臣擇便者故有賢業堪依毗  
導宣德澤廣流派講舉政教先本基不容蠹弊長芽蘖  
直欲赤子皆充肥泰然一道遂無事犴獄衰止文符希  
燕閒何以度歲月憑仗文酒相追隨過從僧舍盡幽邃  
閑偏畫手多神奇因嗟唐人值喪亂奔走至此常懷歸  
韜藏絕藝鬱不發壁間一掃窮精微試登高閣凝望久  
欲將遠眼窮天涯山扃水遠氣象好雲晴日暖光陰移  
信哉浮生巨河上鼎勢會以一足支

原註薛許昌登大  
慈寺閣詩云一足

曾文鼎浮

生半在舟

方今文軌慶混合帝力何有民何知長廊廣  
屢數百載留得風景資遊嬉清樽豈特具酬獻高論不  
廢評只非鄙夫幸爾陪雅集懷抱芬馥蘭與芝天閤九  
重勞夢想回首鄉國空遲遲

青蠅

去年十月青蠅滅高堂小會頗清潔今年四月青蠅出  
競逐腥羶誇羽翼畏途榮悴如寒喧流俗早夜趨貴權  
一朝勢去即消散可與青蠅同日言

席上咏金橘

江南種橘繁如杭爾今獨以金為名豈非彼俗甚珍惜  
謂其可比百鍊精千頭盡帶秋色老一腹皆飽晨霜清  
初筵特此獻磊落滿座不覺窺光晶寶肆豪華競相勝  
瑪瑙散入雕盤盈珠庭變化望已久仙丹忽向洪爐成  
試侵香潤擘圓粒齒牙滴澀沾冰瓊自憐孤根出遠土  
得並衆果親杯觥赤心可恥不嗤棗虛表無用安須橙  
辛酸甘苦各存味頗有知者加題評

奉寄單州太守王聖欽

原註詩中所叙皆聖欽來書之意

昔嘗請郡歸東川  
衰遲幸會使者賢  
開誠論議簡條目  
一境草木沾春妍  
公齋清假弄詩筆  
更唱迭和多長篇  
歲豐民樂尚蠶市  
撼壘闐鼓殊喧闐  
東山西市頗壯觀  
飲帳或在山之巔  
踏青摸石循故事  
浣花亦做成都船  
相從對酒每一笑  
聊與遠俗同欣然  
北巖石穴廣似洞  
疑是古昔棲神仙  
火雲燒空赤日猛  
及到此地如冰淵  
清風滿懷興未盡  
四望晚景增留連  
平生宦遊此最適

不覺弦晦相推遷郵筒忽報謫書至君命嚴重敢不虔  
試思衡嶽詢遠近里猴去蜀凡八千蒼黃去郡別我友  
一意調琴中斷絃回首鄉邦止數驛欬頃血淚辭松阡  
藩候追逐倉使促爭向墜羽誇鳴弦天恩曠蕩置不問  
投放裔土懲小愆閩門良賤三百指孤舟一葉何翩翩  
瞿唐灩澦遍涉歷內訟過咎歸之天洞庭阻淺輒三夕  
怒風急雨聲相喧此身恐汚盜賊刃不爾定沾蛟鯉涎  
偶逢漁艇相援濟稍覺神觀來歸還長沙既下尤怪駭

半夜雷電如烹煎  
桅傾纜斷船脊折  
四十餘里中流激  
舟人恐懼難致力  
兒孫顧我皆淚漣  
嘗聞死生有定所  
頃刻由此歸重泉  
東方漸明浪漸息  
忽造平岸逃危顛  
胸中悲愁雖未艾  
分外歲月疑少延  
寓居衡陽味亦惡  
地接炎荒風氣偏  
每逢三伏如坐甑  
突焰已熾猶吹煽  
是時回祿得乘便  
取次薰灼須及椽  
回環四顧求避計  
徃徃啜食不下咽  
深冬屢見溫瘴起  
灑作昏霧飄為煙  
勇夫壯士尚抱疾  
嗟我衰憊何由痊  
雀羅當門人迹少



寶榻不解塵生氈難希杜甫遣秋興易學邊韶貪晝眠  
碧湘萬頃望不極泰岳數峰高莫攀江山信不與人事  
日送佳景來目前長腰縮項兼二美早晚嘗稻時差餽  
浮生一飽亦已足下筯何必求腥羶親朋書問寂絕久  
杳似隔世馮誰傳平居分義重膠漆一旦爭敢通寒暄  
匪惟物態尚流薄抑恐罪戾相攀緣古之交情貴賤見  
而況利害生其間君乎存守異于是特特萬里郵華牋  
窮通黨來極慰免疾疢愈否深哀憐高標豈為霜雪減

雅操誠如金石堅羨君高堂有慈母壽髮鬢臙猶垂肩  
綵衣趨庭奉燕喜玉盤潔膳羅珍鮮復有佳兒富文史  
闊步直登英俊躔行聞清廟獻雅樂伯仲交奏箎與埙  
事親教子兩如意此外紛紛烏足言君在山東我劍外  
一書往返須經年餘生再會諒難必我往應在君之先  
作詩寄君重感慨交道多闕君能全子孫他日有顯者  
勿以哀門相棄捐

淨德集卷三十一

欽定四庫全書

淨德集卷三十二

宋 呂陶 撰

五言律詩

和成都道中

溝畎清穿道水麻綠蔭疇地形從此坦山勢為誰收使  
指星言駕皇恩雨旣優愛吟吟不盡目斷錦江頭

嘉州陸氏涵香樓

勝地林泉近層楹物象閒野平秋璋列天閣暮雲還快  
目登臨外樓心嘯傲閒美君談雅樂持語寄江山

范才元參議求酒於延平使君邀予同賦謹次其

韻

桑落冷窮玉菊衰霜滿天飄零河朔飲悵望竹林賢烏  
有防前轍青州貴下田使君能遣騎端為喚魚船

二月一日郡郊賞花得郊字

春仲方迎朔花叢已滿郊曉園香散路晴樹錦垂梢耽

勝為高會通歡有淡交芳時去尤速吟賞莫輕拋

寄句輔元

普州公事少太守讀書多見得是非盡無如今古何老  
懷驚歲月冷夢到雲蘿郡下有佳士幾人陪詠歌

送李公擇同年赴嘉倅

極目三峩頂濃嵐切背冥宦心甘似水親髮已如星壽  
几陪春笋吟齋息晝鈴何須二千石旃隼銜丹青

過羅氏園亭

官暇無多事春深偶一來溪隨芳榭轉門入翠嵐開有  
得供吟筆將閒付酒盃暫遊殊草草空起夕陽迴

西郊

西郊村落好歲月甚優游野性每自適倦心何所求鼓  
鐘催永晝砧杵報新秋若遇延形術猶能換白頭

思道同晦甫春日過李氏園亭次思道韻

官暇頻遊覽春闌勿嘆嗟閒情寓文酒好景付鶯花笑  
語留長日園林訪幾家歸途最喧塞紅燭數行斜

和思道招晦甫

相親未多時相別已旬日詩筒須奉招  
棊手欲求敵三春有餘閒一醉安足惜  
此樂真無涯交情重金石

金竹

原註渠江有竹其色深黃里人目為金竹

修竹已可愛況復如黃金天地與正色  
雪霜堅此心雲芝生有節栗玉種成林  
回首渭川遠山間饒翠陰

送楊日卿移任潘原

謫宦成流落移官自寵恩窮通雖異迹  
得喪盡忘言車



馬動行色江山勞別魂關西三十世祠下見雲孫

歲除前五日獨往黎氏園見梅花盛發

慘淡歲將暮煙村忽見梅年光背我去春色為誰開  
半日憑軒檻無人共酒盃芳標深可惜聊作看花回

和賞梅

何處為真賞芳園白玉英春前挺仙質物外得花名  
雪月資閒淡風霜與潔清偏宜文字飲嘉客盡詩成

和聞蛩有感二首

志士感幽寂，杜門臨晚晴。  
流年無奈老，永夜有餘清。  
秋夏欲交處，古今皆此聲。  
羈愁與離恨，為爾忽相并。

思婦感離別，夕露殊未晴。  
九秋消息近，千里夢魂清。  
續續有深意，促機無緩聲。  
寒衣遠須寄，人去在幽并。

送杜常

壯士軒昂早窮塗，蹭蹬多直將。  
天命說其奈，客愁何晚歲。  
饒歸興，青春亦浩歌。  
舊溪如何守，應便掛漁蓑。

淨德集卷三十二

欽定四庫全書

集部

淨德集卷三十三

詳校官庶吉士<sub>臣</sub>馬履泰

檢討<sub>臣</sub>何思鈞覆勘

總校官舉人<sub>臣</sub>章維桓

校對官檢討<sub>臣</sub>王福清

謄錄監生<sub>臣</sub>李晉

欽定四庫全書

淨德集卷三十三

五言長律詩

和春雪

歲改春將半春寒雪又飛積陰殊未散生氣一何微忽  
墜千尋險偏增百仞巍密難沾煖席冷易襲征衣憑伏  
淒風助遲留煦景歸聚來難得勢消去乃知幾衆喜勻

宋 呂陶 撰

萌潤私憂氣候違方當乘太族慎勿掩靈威尺地惟書  
異豐年可免錢特言問真宰天道是耶非

再和初春微雪

治有春陽感和無月律差濃雲方聚鵲凍柳亦飄花瑞  
應來如響羣情喜溢涯縱觀天勢淡俄失地形眾素月  
交暉耀狂風助擊擊一斑迷隱豹三尺晦祥鷗塞上威  
尤凜軍中語敢譁漢兵同被練朔地訝吹沙冷焰侵殘  
燧寒聲入舊笳飛紉安用裂種玉豈須畬清潔山川景

微茫草木芽，壟田因澤及。望歲已心遐，共荷沾濡力。應  
忘旱歉嗟，詩豪夜傳卷。賀客曉趨衙，滲漉元侯德。生成  
赤子家，指期三日耜。拭目萬箱車，汎頼深仁恤。曾蠲重  
賦加，願賡稱頌句。豈肯匿咬哇。

和喜雪

向夕層雲結，黎明漫漫飛。山川都變色，松竹倍生輝。共  
喜飄方密，翻憂落漸稀。陰功施黑律，寒候應璿璣。右席  
延文客，先塗奉玉妃。二儀清景混，四野遠光圍。愛日因

藏照狂飈間作威三冬茲有得一穀敢言饑渴望於時  
久華心在物微需然蒙大潤化力少知歸

和對雪

嚴冬飛朔雪此景望中嘉雲暗垂天幕江平壓浪花翅  
寒低獨鴈枝重折葦葭冷甲窮邊戍凝煙野叟家聚來  
風有助消去日難遮爐煖頻烘獸盃濃不飲蛇謝吟殊  
可愛郢唱更何加好盡登臨興搜題徹四遐

上韓端明



要道根皇極純王攬懿綱域中洪造廣天下大形疆臣  
主同千載藩宣奠四方乾文耀參井地鎮聳岷梁景谷  
餘波迴靈關古塞荒隈蠻唐節制析部漢封疆石穴延  
通道小局設巨防利源充內帑兵勢壓巴羌付畀關休  
戚權宜任弛張紫封傳墨敕金印坐黃堂自昔都俞重  
其誰德業彰乖崖施遠略忠獻紹前良樂得中和職人  
躋富庶鄉舍生知化力永日戴春陽滲漉淵源在醲醇  
骨髓藏深和流耳目盛事載縑緗歲月徒為久風猷信

不忘恩褒賈達祀人愛召公棠櫓有喬枝茂蘭宜後葉  
芳惟公真輔翼與世會明昌間發乾坤秀親逢日月光  
國華增黼黻地寶獻琳琅尹道存先覺軻心蘊至剛朝  
廷尊閎閣士黨貴文章高視雲霄路遐飛翰墨場鵬圖  
指溟渤驥步得康莊藩會初關決仙瀛已踐揚本元游  
祕府侍從陟清廟偉望全康濟周才厯浩穰中天承帝  
選南國撫民傷使範資勤恤君言務肅將繡衣恩燦燦  
大旆遠皇皇賑惠常聞黯澄清乃識滂疲羸起溝壑暴

濫去豺狼大節堅持守純忠自激昂還登文石陞頻上  
諫書囊人鑑分今古神龜憲否藏斯猷三按告至理一  
言詳柱下尊良史螭頭立左郎纂修該七法注錄擅三  
長午夜星垣迴南風省戶涼揮毫綸綵爛垂佩玉聲鏘  
春老常聯萼雲膺鴈綴行雄名出蘇李公論美常楊眷  
倚隆矜式誥詢行贊襄得人居內相有道輔明王大手  
憑才識深謀協典常五花曾執判七寶屢登牀燕見趨  
東閣優容對未央儀刑真謇謇謨訓極洋洋重委臺綱

正終圖國體康至誠頻啓導大事費裁量多僻消芽孽  
羣邪潔肺腸諄諄聞藥石凜凜畏冰霜論議他奚恤猷  
為己所當安危一身繫出處萬民望蔡俗嗟延哺堯心  
慮納隍建侯宗屏翰選德庇災殃異政乘時立清飈與  
惠翔界中生穠穀境上散飛蝗儒將能專閫神兵宣頓  
鉞十連循節鉞四面固金湯拓地歸充國謀軍得子房  
天威神臂指戎氣窒喉吭屬國恬懷撫函書恥謾狂具  
膽宜廟幄遐福合陵岡迺顧西南遠明如左右旁大門

堪世守與頌願時賜命策榮千矢封圭判二章物傳家  
乃舊刀應夢為祥善事知弓冶奇毛識鳳凰百尋標落  
落萬頃信汪汪廟瑟餘音靜庖刀發刃鋼閣難求吟城  
微不誤毫芒雅意儒為寶宏規沼衆橫魯公先請學高  
眈力宗庠教化惟敦獎衣冠敢怠違七經登講舍數仞  
企師牆樂善無遺芥懲非易去稂百城損博塞萬井絕  
貧攘牧廩寬收歛

原註許牧易之  
積羅歛一歲

窮閭飽歲糧

原註歲  
窮發原

以貸周  
及貧寡

吏姦藏爪吻人瘼愈膏肓昔謂庖厨侈徒矜口

體嘗愛心加俎豆和氣落壺觴  
蔚屋晴曦燭枯葦湛露  
灑盛時逢召杜奕世見龔黃  
至矣紆宵旰熙然協雨暘  
里閭敦悌讓原野競農桑  
指顧寧陬落生成及稻梁  
邊聲息金鼓民室富囷倉  
共樂親焚座食期輔峻廊  
定登賢相器行促舍人裝  
奕奕驅軺傳嗒嗒飾鏤錫  
天謨勤翼舜納誨永隆商  
鄭武高風盛韋成懿跡相  
洪鑑專鼓鑄大鼎薦烹飪  
浩蕩躋民域安平援世航  
詩人褒繡衮坤道吉黃裳  
歌舞真賢進光華至治香  
欲知能事畢四

海處陶唐

和質夫運使大夫久旱喜雨長句

六月陽初亢三農否忽傾應祈由化力蒙惠得歡聲  
草木英華動山川氣象清石間看燕舞池上覺蛙鳴  
水閣江尤渺雲濃夜未明逡巡煩暑薄時序好風輕  
喜意知餘潤憂心恐易晴秀園吟際適豐野望中平  
勤有賢侯志霖非舊史評不須窮造物土俗但犂耕

又和喜雨

壇宇嚴封築牲羞薦潔鮮精誠宜有感惠澤果無愆暑  
氣沉虛谷濃雲布滿天雷霆馳勢力河漢動經躔農作  
方勞甚人情忽泰然春渠慙訟水夜鼓促芸田優足過  
三日豐登又二年隨車循吏事應可繼前賢

雲頂山次韻

地峻山形壯周遭盡勝遊把巖如拱手轉嶺似回頭老  
木凌空迴濃雲覆石幽朝陽千里快暮雨數峯愁澗底  
猿隨鹿松顛鶴勝鷗香花開靜宇煙火認他州寶翰中



朝錫神燈半夜留勢容通客應景許化工偷雪色連年  
貯嵐光幾院收仙葩多躑躅野果號獼猴法印傳無礙  
禪機問卽酬叢林分徑路蓮社得朋儔眼遠層霄闊心  
登外物浮登臨豁塵抱今古信悠悠

送俞潛

積有儒林望聊從使節行高文自經緯壯志欲澄清地  
鎮三峨重江波萬里平閤難求吟域深不為功名吉象  
光圖籍祥風卷旆旌巢阿瞻鳳彩運海見鵬程事外神

鋒晦胸中寶鑑明淵源千慮極肝膽一言傾德業期康  
濟諮詢屬老成定知前席對有以澤羣生

送人為郡回

當世勲賢後嶄然器業高劒鋒天際倚虹氣王中韜列  
乘提藩總雙旌署郡曹至精憑寶鑑大剗見庖刀曠闊  
非私物周流不失毫霜威推吏爪春煦起民膏治世須  
醫國牙塗合擁旄蜀人懷舊德涪漢共滔滔

送楊秘丞赴戎南倅

萬里南溪水滔滔逼郡城四時多雨氣終日是江聲

市煙中含山疇火後耕孤村隨漑斷絕嶂與雲平甲令

三冬成峰高半夜驚盛朝咎鎮守別乘委才明愛日迎

舟櫂春風卷旆旌蘭陔新膳潔

原註迎侍太夫人之官

花縣舊陰

成

原註名嘗佐邑戎南

荔子瓊瑤破藤梢琥珀傾羈懷休念遠淺

醉易忘情宦況如郵傳年華似送迎笑談聊布政閒暇

亦論兵僻地非通轍層霄有去程行聞海沂詠流入竹

枝清

送王昌州屯田

百里鄰疆宇詳聞懿迹多本原由簡厚論議必中和平  
日春陽愛斯民德澤歌藩宣聊息偃名教足逶迤遠業  
今猶鬱耳塗去若何蓬仙終到海軒鳳必巢阿裁割神  
鋒舉先輝國鑑磨公乎難隱讓忠義貴無他

送張景元

并序

天下之勢如腹心手足之相須而成求其所以  
安靜於中者必少休其外也勞敝四體則歡寧

愉悅之氣化而形色槁瘁孰謂四方之地可不  
暫紓其力以養中國之用乎天子恭已於上萬  
官任職於下廟堂權其謀方部維其紀綱郡邑  
赴嚮其事雖付畀之迹異而愛念元元之心均  
焉以一道處之重任也舉天下財賦之出蜀最  
多焉正朔始歸中原時為主豐贍物估擬今率  
十之一司租庸者閭閻遠之慮沿其時直以限  
王賦賦雖重矣而他求未及民不告勞數十年

間供億日益繁泉幣日益輕物估日益湧而乃  
務足經費者以半價市繒帛按戶而歛歲無慮  
四十萬康定中兵興於西饋軍之費又三十餘  
萬地產有常而賦重於昔物估日湧而半價之  
歛增齊民無聊竊自憤難間或乘以饑旱則溝  
壑之委可為寒心嗚呼天下一體也治天下一  
道也四民之勞如此其極也而議者曾不顧恤  
乃曰殖財具事則於吾何散豈朝廷所以待遠

方之意耶。豈君子所以均愛物之心耶。比歲臺  
雜趙公以漕節出。按閔蜀困匱。乃列上利病。得  
減康定之數。疲羸延頸。庶幾休息。今明公臨部  
未幾。惻然有撫恤之心。計當道繒帛所積。凡半  
價之八。為罷一歲。夫豈非君子憑其所存於中  
者。以度物制宜而濟其德業乎。固不能遷度於  
外。而與之疾徐也。既而上召公以副大計。士有  
惜公之去之速。而謂吾蜀不能深被其賜者。此

安知天下之治戒乎遺遠而君子之德業惟其  
有加於民之為貴矣遲速遐邇之間乎用是惟  
公之心則吾蜀被賜非特今而已某敢第其說  
以為序而繼之詩

方域提權重朝廷擇士尊綱疎因正紀流潔為澄源寒  
日風威靜熙陽氣序溫人知廉使體物荷聖皇恩清轡  
繞周境歸途已駕轅光華三節瑞邃密九重關韶集丹  
山鳳雲升北海鯢聞公難避讓天下盡元元



送馮樞密

帥領來全蜀掄魁祇一人

原註由進士狀元鎮蜀者惟公一人

崧高雪山

勢清徹錦江津旒冕思長策機衡屬老臣  
部中方拜賜天下又迴春出處無非道  
安危繫此身巖瞻殊慶快塗說敢開陳  
聖運重熙久皇威萬里振勒兵充宇宙  
按劍待煙塵權術輕三表韜鈴貴五申  
招懷及蠻徼指顧下洮岷文誥傳荒服  
天聲壓外鄰捷書連歲上故壤一朝  
新計費千金易論功百勝頻征衣空杼  
軸戰骨委荊榛

水旱乾坤慘錐刀。畎畝貧人情危欲鎮。帝澤壅難均幸。  
會公歸國相歡物在鈞華。心生草野和氣滿。楓宸士論。  
歸依切風謠。禱頌真嘉謨。憑獻納大事費經綸。治術關。  
休戚規模有革。固號寒思挾纊。引哺願嘗珍。圖治雖更。  
化封侯漫富民。高明深鑒照密勿。定諮詢悟主言。稱舜。  
論兵諭借秦。無為羣動悅不陳。四夷實寶鼎。千鈞重薰。  
琴九奏純放懷。留化日反掌。叙彝倫邦體還清靜。王綱。  
務率循太平勲業就寰海被堯仁。

送師尊

毳毼登車後薰琴易柱時遐方新視聽赤子繫安危羅  
網難投足錐刀漸削肌激昂忠論發絡繹奏封馳有意  
同休戚無心計險夷海傾身亦禦山轉力須支沸鼎憂  
魚爛沈疴待藥治正邪雙辯起義利兩塗知帝德終柔  
遠天聰善聽卑丁寧詢使指勞來及坤維大法圖公共  
儉言惡詭隨弊從經歲積恩許一朝釐治體今殊昔仁  
聲喜換悲方期講原本何暇語毫釐虎噬猶吾怯蠅營

漫爾為陰功符監佑直道擁祥禧行色青雲棧英游白  
玉遲是非都一笑歸旆卷晴曦

送范堯夫

并序

自改作之議興士大夫有以言獲罪者罪之愈  
多而言之愈不已天下之事其是乎其非乎公  
由諫員謫守蒲津領漕於蜀察民重困不忍以  
厚斂加之凡朝廷詢問可否則述利病以對毅  
然不可少奪其於天下國家始終無毫髮愧負

也世之人平居以端良自處或慷慨論議決不  
為得喪所遷一旦紛華悅於前困阻脅於後則  
顧望縮伏務以求容於衆向所謂志尚操履者  
棄置若長物然仰聽下風亦厚顏矣公之去蜀  
人思焉某於是序而又為之詩

欲賦旋歸樂翻成感遇篇  
盛時惟道在興誦自民傳  
伊昔更張議於今造化權  
網條籠宇宙號令震山川  
大畧先農穡餘波及貨泉  
俊豪爭援世忠亮欲回天  
暮對青

蒲側朝留緒案前堪憂逐江海猶許治蕃宣此地勞飛  
輓何人念瘠捐壯心推更激高節困尤堅晚歲松方茂

洪爐燄不燃迂從鄒叟得

原註前史有謂孟子為鄒叟者

勇在孟賁先

坦若王良轍端如后羿弦一毫無畏惜千慮極哀憐定  
論予張膽游辭彼脅肩尺尋難枉直鑿枘自方圓止沸  
愁烘鼎調音肫絕絃漢絳寬酒榷唐賦舍庸錢睿智期  
開允生靈懼削朘弊端殊皎皎物望甚拳拳白日功名  
久浮雲富貴遷萬鍾均廩祿一品漫貂蟬儻為升沈動

誰能事業全寄言天下士無愧屬真賢

送蔡帥赴平涼

劍外開三蜀回中宿萬兵  
名還宜北觀賜鉞又西征  
體貌均先後權綱一重輕  
淵衷尤慎簡與意尚難平  
伊昔藩條振於今治體成  
有為終簡易無迹但恢闔  
刃從虛頑弊樽前得隱情  
快如長劍立通若巨河傾  
闊刃從虛落醇源及物情  
山川增氣象草木遂勾萌  
煖褐三冬足豐疇百室盈  
詠歌今父母畏服古神明  
方幸華輪柅俄

聞瑞節迎渴心猶借冠翹望欲還瓊汎復盤關路常瞻  
部使旌十連依玉帳一道固金城後詔光前出新棠似  
舊榮于宣推德業所至盡功名塞馬寧非福溟鵬豈問  
程惟期未溫席歸去慕家聲

郊祀禮成詩

皇極恢臨照嘉時屬盛隆八年登至治大祀答圓穹並  
報知坤道推尊見祖功先期齊廣殿將旦謁真宮杲日  
迎鑒皎祥雲遠蓋紅衣冠開祕寢幢節下層空東嚮經



途近前瞻太室崇過門遵往德降輅屈清躬

原註臣聞  
嚮昔先帝

入太廟望見神室卽降輅步至齋殿此盛  
德也陛下循而行之尊神重禮孝敬之至八聖威神在

三牲薦品豐奉璋人左右進俎序西東上意精純至英

靈顧享同念深堯八彩感切舜重瞳

原註臣聞唐韓愈  
作元和聖德詩美

憲宗功德有薦享新宮浹落人俎之句恭惟陛下大資  
仁孝親享祖宗之神考之室必有永懷之感臣愚敢輒

形容地勝壇灣閣

原註近郊  
壇地名

塵清輦路通綵城齊北闕

天伏轉南風旂動三辰麗兵嚴萬衛雄國容殊肅穆丘

勢自穹隆虛次移銅漏

原註圜丘之禮既作樂降神陸  
下立於小次前移刻然後登壇

以獻深得祖  
宗敬天之意

升壇儼玉琬禮惟三獻具樂以六成終燔  
燎交神聽高明鑒睿衷岡陵均委積箕翼等光融海沸  
歡聲振天旋瑞氣充吁嵩喧宇宙迎仗升華戎盛典千  
春備洪恩庶彙蒙山河皆戶牖震海一帡幪獨運陶鈞  
術齊驅造化工令行雷洊震澤及雨其濛苛密寬三面  
幽潛達四聰華心歸茂草蟄戶啓昆蟲六合澄清外羣  
生富壽中願賡成命頌垂裕播無窮

送吳龍圖仲庶赴江寧

方域開全晉權綱委巨公深仁吾所導實惠物常蒙贍  
潤歸儒術周流見治功蠡生無不瞻豪利豈須籠金穀  
邊屯銳農桑漢地豐頌聲如響答和氣與春融天下殊  
庸冠朝廷偉望隆咨詢懷舊德付畀出清衷禁直圖書  
近龐恩屏翰崇鄉衣新榮錦都軾再憑熊自昔金陵盛  
於今玉節雄江山三國勢臺殿六朝風地勝名區在時  
移往事空貢先淮甸入化接海隅同封宇緩安外煙波  
賦詠中民瞻深繫屬國論素探窮此日留藩鎮何時補

上聰鈞衡須遠業藥石仰真忠孰謂勞申伯前知用弱翁南歸勿遲久登弼代天工

送江巨源奉議

吳會儒林勝坤維使節雄人誰攀景躅物自得清風縑玉塵埃外冰壺愜悌中教源資濬遵治具費磨礱舉向權衡見難相畛域窮章傳青瑣闥夢徹紫真宮自昔文章手能成造化功夷途方濶步公論汎僉同晝永朝紳接天高奏牘通平生先遠業有以助克聰

送聞人夷庚太博

邑有循良政人特介潔心庖刀發虛刃廟瑟鼓遺音閭  
草豐春野修篁茂晚林恤民中詔遠及物上恩深歲月  
吳江夢山川蜀道吟歸歟清議在直筆待君簪

送茹世美少卿

切慕真仙理能收至靜心紛華雖爾共勢利莫吾侵造  
化歸三鼎逍遙託五禽一言平物我萬事委浮沈研味  
經翻玉吁嗟礫變金太霞方夢想流水漫光陰得郡情

應樂休官志已深  
遐飛脫塵網高視笑蹄  
岑舊德淹卿  
寺清風聳士林  
却憂公議在未  
易解朝簪

和提舉遊上方南禪十韻

宿約遊雲谷  
晨興過寺扉  
雨聲隨步急  
暑氣逐風微  
正午逢晴照  
層霄歛夕霏  
江濤千里湧  
城郭萬山圍  
清集同揮麈  
高談及轉璣  
虛涼河朔飲  
蕭散道家衣  
適意朋簪盛  
回頭世網非  
碁休誇小勝  
禪莫問餘機  
對景聊行樂  
因吟欲賦歸  
高人應笑我  
白首戀輕肥

答王仲高

從政宜師古為儒貴席珍承流仰循吏慮患屬孤臣休  
戚同千里輕肥止一身虛名稱有土慙色見斯民羅網  
甘投足波瀾恥問津狂言千重辟冷笑待憮人琴瑟方  
調節芻蕘願采詢閉關聊度日開卷易經春地煖畦蔬  
足年豐甕粟陳惟特三不愧通塞任天鈞

淨德集卷三十三



欽定四庫全書

淨德集卷三十四

宋 呂陶 撰

七言律詩

和正月二日遊碑堂寺二首

農事初興欲及時  
東城風物又春熙  
出郊開燕始今日  
迎馬獻花纔幾枝  
萬室遊人方雜遝  
三竿煦景漸舒遲  
乖崖真得綏懷術  
八十年間俗不知

紙旗連道過重闔却訪僧居暫泥輪平野一朝鋪秀色  
輕風十里散香塵此時燕賞須從俗昨日陽和已發春  
自古咸都稱美酒細傾聊以度良辰

觀打春牛和韻

塊然形質本何殊似為春來出舊墟以色配年疑未可  
與耕為候信非虛升陽蓋自寅正始取類還當丑位初  
但得碎身資耨事豈須功效載農書

浣花泛舟和韻

野店村橋迤邐通蜀江  
深處茂林中花潭遠漾  
春波綠綵閣相迎畫舫  
紅修岸幾朝經密雨芳  
樽盡日得清風  
詩翁舊隱知何在且事  
嬉遊與俗同

寒食

新火乖時燭已燃寒雲  
收盡晚晴天欣逢佳節  
遊花園獨欠詩人泛酒  
船南畝如雲鋪秀色西  
樓照日起祥煙  
傳聞里巷嬉游俗盡說  
豐年勝去年

和重九遊柳溪

西溪景物似江鄉無賴秋客到岸傍勝事可懷樽酒樂  
淒風渾減路塵香半凋柳色猶垂帶欲凍泉源祇盤觴  
會向明春重遊覽春暉依舊倍舒長

晚過西溪

煩暑襟懷倦客情西湖虛爽暫閒行林間聞雨未為鬧  
池上得風尤覺清斜日漸因山隔闕斷雲應與月逢迎  
牧之才調誰能繼一為憑高賦晚晴

多日牽俗闕西溪之遊和友人來韻

西溪流水正涓涓  
髣髴江村種稻山  
弱柳依風徒自困  
晚花經雨更誰憐  
已知榮謝椿如槿  
莫問飛潛魚與鳶  
結得勝遊須盡興  
醉鄉歧路在傍邊

赴官唐安益帥吳公以詩寵行次韻為謝

二十年前許進趨

原註公赴官甫  
健日已嘗參候

六科重忝薦論書獻

言悟主慚明詔乞祿還家得副車  
此日詩章形繡轡當時匠手器輪輿  
恩知最厚難圖報有意高賢一挽裾

送劉儀甫職方東歸二首

藍田良玉古稱珍品屬瓊瑤異砥珉純有英華為國寶  
貴無雕琢是天真連城享價千金重垂繅承光五采新  
羣后在廷皆執瑞大圭終得奉嚴宸

南山蒼柏自森森長就喬枝出茂林肅政臺中思直幹

孔明祠下得清陰

原註君嘗有御史之薦  
會使節西指尚稽除命

風雲每助孤

高勢霜雪難移勁挺心大廈有成梁棟在平時燕雀望

皆深

題府廨清素軒

蘭麝香濃玉少塵開軒相對似交親臘寒庭院春將近  
晚吹簾襲月又新憑檻雅宜題雪女銜盃俱是咏花人

原註古詩云今朝梅樹下定有詠花人

碧爪故事標圖記從此嘉名亦等

倫

原註非崖種瓜後園田  
宣簡葦軒賦詩以記之

### 懷鶴鳴

襟華曾到翠微中一別仙宮入泮宮真景望如雲在上  
年光去似水流東青霄得志雖榮已白髮多情亦念公  
若許他時遂休逸山翁攜手有詩翁

偕友人遊上方南禪

出郭行行數里村石梯盤曲到禪門  
亭開高檻侵山腳水過方池斷樹根  
城市塵埃終日遠煙嵐氣象四時存  
約公乘興重來此延納清風盡一樽

禪舍之北有海棠二本惜非其地移植庭前呈晦  
甫同年博士

何事當庭植海棠欲乘生氣待春光  
恰逢輕雨渾如意若得和風定吐芳  
籬下不堪藏秀質眼前從此識清香



一樽會與嘉賓賞屈指紅英在艷陽

寄花廣漢守倅

地產名花敢自珍百枝聊且寄強鄰分將雨後千金色  
添得樽前一日春檀板屢歌憑侍女玉簪齊挿奉嘉賓  
明年紅爛還馳去惟恐流光老却人

荅高進賢南歸見別

春波萬里已魂銷況是分攜過蜀橋更隱有心終濟物  
他山無術可除妖好將醒醉迷千日莫為興亡感六朝

南望襄山何處是惓然懷抱更無聊

答晦甫

花往詩來報禮優不慙燕累願賡酬青春易去何妨賞  
白髮相欺未足羞萬事放懷閒歲月一樽高笑好朋儔  
公堂訟簡心情在莫對風光取次休

次韻思道同晦甫春日過李氏園亭

二賢談笑共為州深惜青春爛漫遊吟到醉鄉須一飲  
步回芳徑亦三休風前幾點見蛺蝶雨後數聲聞栗留

人望使旌應喜樂此心於爾亦何羞

和梅甫答思道

策馬悠悠倦往還竹邊林下舉吟鞭忙中對酒成間客  
老去逢春憶少年三島月來清入牖十洲波淨碧涵天  
歸歎且共良朋賞花未飄紅柳未眠

次韻周思道喜正孺過廣漢二首

霜臺御史迴名藩氣象光陰動故山此日都中誇盛事  
明朝堂上拜慈顏御香持去仍輕別天詔飛來即召還

南北唱酬皆勝絕一窺方識豹文斑

鴈樓南畔報來期遠俗駢闐望錦衣官府奉迎因直指  
家庭喜樂是榮歸款憑樽酌延談議密敲囊封中事機  
莫嘆宦遊多闊別九重深荷弼予違

送東方子春歸廣漢

閒上層樓賦式微暮雲重疊鴈南飛三秋已有還鄉念  
十日那堪送客歸世路最宜心似水年華休嘆露沾衣  
一官擬得知何處回首風標又闊違

送周思道詔中通理益昌

聞見冤魄久艱伸吾以仁心濟不仁十室苟能全一子  
萬家無慮活千人于公治獄門生相韓厥成功世有民  
陰德所施陽報在莫嘆孤宦老朝紳

和寄周詔中

省卻華髮倦遊時却憶當年一布衣仕路更勞何足戀  
家山可愛不如歸吟中斗絕紅塵味靜裏能延白日輝  
某水某丘真舊物春來贏得掩重扉

寄廣漢周思道

鴈橋古郡誠佳絕  
熊軾名郎暫鎮臨  
雨滿郊原千里潤  
春歸臺榭百花深  
將迎意味頗清燕  
閒暇工夫屬靜吟  
若詫湖亭風物好  
西鄰猶有不平心

和陳圖南州學石柱題名之作三首

石柱鐫題誰厭煩  
三年還見一番新  
姓名已載推前達  
行列猶虛待後人  
清世雲霄如坦道  
壯夫思慮惜青春  
瓊瑤定得連城價  
巨鑿從來不貴珉

鴈塔題名故事存泮宮鐫柱又增新十行詔下方求士  
千佛經中定有人錦繡熒斌涪水畫風雷變化集英春  
公卿皆向此途出豈待區區佩璫珉

匠氏磨礪用力勤先生序引亦清新尺書已報泥金帖

原註唐人登第用泥金帖字報其家丹字仍題衣錦人桂籍共誇亨有路

泮林無倦誦於春東川素與西川敵又見榮名上翠珉

原註父老謂東川不在西川下事事同之昔田宣簡鎮成都始建大柱於石壁之西刻進士登科青榜曰榮名堂今郡學之柱亦其類

和陳圖南安昌巖避暑詩二首

石穴虛深宛似房，石形方穩亦如牀。  
千年知是誰人隱，一郡除非此地涼。  
山外雨來煙色暝，林間風過藥苗香。  
塵埃已斷尤清寂，今日禪僧不上堂。

巖前數步到幽房，巖裏聊安息偃牀。  
已得清風極灑灑，休彈白雪恐淒涼。  
平時地簾乘空發，何日天花墜雨香。  
三伏屢來君莫厭，流年背我去堂堂。

和再遊二首



仙居殊不類樊籠蕭灑清涼皆可封

原註古詩松竹可封蕭灑侯又云便

須封向清涼國

寒溜恰如楊子水脩筠應有稚川龍雲深沉是

門無客人去惟聞鶴在松

原註古詩只應松上鶴便是洞中人向此却疑

推律法應鍾何事代林鍾

石門高下兩相通冰屋初開不復封睡穩好歌方水五  
味清須試密雲龍詩筒迭和難親筆談柄閒搖屢折松  
便寫姓名鐫翠壁休論功烈刻華鍾

和三月二十一日遊海雲

玉節重來鎮此州暫驅千騎上峯頭春闌好為良辰惜  
俗樂誰知急景流山色也疑今日盛物清渾勝昔年遊  
登臨賦詠知難再持語鄉人早借留

南充縣野翁亭

勢利紛紛萬慮侵縣亭聊可一登臨日前不近將迎路  
塵外能消富貴心燕處自知如隱遜縱談誰更及浮沉  
時平樂得常樓地且向幽閒寄楚吟

和義夫出文谷

羸馬駸駸不厭驅望中天勢接晴蕪一朝偶適林泉興  
十里誰開水墨圖柳線漸看金弄色雪花猶見玉為村  
登臨自得詩家路寄語紅塵為訢迂

雲頂寺

秀巘層層一徑通秋來更植萬株松閒中日永宜禪性  
望處雲平見物容半夜起風宣地籟何年說佛響天鐘  
塵埃滿馬遊從隔寄恨煙蘿第幾重

雲頂寺感雲軒

寺枕山巔擁翠峯幽樓更與白雲通半空欄檻千尋外  
兩蜀風煙一望中晨霽最宜天浩蕩夕陰先覺雨冥濛  
頃年曾坐盤陀石不到軒前目未窮

送唐誠老秘丞

越溪千里碧滔滔匹馬西遊豈憚勞文牘甚稀如吏隱  
江山有助作詩豪和風盡日生眉宇白髮何年上鬢毛  
好向堯庭露華彩韶音方奏德輝高

和紅蕉二首

嫩青叢裏色何如猩血雖紅莫奪朱  
曉薦赤璋開縹藉  
夜燃絳蠟照珊瑚  
穠華如擘霞光紙  
芳價堪酬明月珠  
欲識此花堅與否  
願將真偈叩文殊

綺牕開處畫堂西  
紅綠相參數尺低  
種得青琳生寶焰  
裁將丹錦護封題  
染因乘露皆鮮翠  
舞為交竿少整齊  
惆悵夜來經暮雨  
粧痕幾點帶嬌啼

有惠詩求酒者和答二首贈以兩盞

閒居偏向酒中間  
已把人間比夢間  
飲量欲希江海納

醉鄉應有路岐還高談好對清樽樂屢舞猶嫌數斗慳  
信有金船少風浪莫乘輕舸下深灣

愁腸思得濁醪澆渾似春苗旱欲焦洗甕已於坊際岷

原註洗甕先知醒  
酒期見韓致光詩

典琴誰向息錢饒

原註村酒典琴  
醉見柳仲塗詩醒

心未免嗟牢落醉眼偏宜望沱寥酩酊到來須盡寢信  
知畢卓勝邊韶

次韻劉希道龍圖鹿鳴燕進士

賢能書上鹿鳴時欲步丹梯別釣磯名世公卿加寵薦

故鄉親友待榮歸通經豈比籙金價成器難藏璞玉輝  
威鳳有雛鵬有路相將盡向九霄飛

和知府右丞秋貢燕士席上所賦

應書羣彥稱旁求勸駕賢公禮數優名出士林當赫赫  
詩歌鹿野自呦呦雲霄去路程皆遠杞梓良材幹盡脩  
登却龍門須變化奪標人已在船頭

和鹿鳴燕進士二首

石室宏開化二川文場今歲不遺賢鷺憑暖律方遷木

鶴遇祥雲必到天隨貢充庭知有路乘風破浪去如船  
龍墀唱第程塗近應在春餘數日前

里有賓興方啓燕詩稱樂育願升歌英才盡向師門出  
貴器須憑匠手磋澤射定誇楊葉箭鄉衣便促錦機梭  
諸生大捷諸公賜先紀王勲後戰多

和八日登高

八月登高九月同拒霜寧有兩般紅流陰漸老三秋後  
嘉客相歡一醉中塵裏仙官應混俗坐間談麈自生風



龍山故事今辰會雖欠笙歌不是空

重陽登城

上得層城暫倚欄  
恰逢佳節萬愁寬  
山青水綠等閒好  
酒白花黃隨分歡  
一月放懷能幾許  
九秋生感又多端  
龍山勝事今何在  
空使騷人賦蕙蘭

和十日菊

今辰誰道此花衰  
更倚欄杆把酒危  
白眼漫生秋後意  
黃金不減夜來枝  
化工應已均開落  
心賞何須問速遲

歲歲傳前鎮相似風光千萬莫差池

和郡齋卽事

表裏山河久鎮綏府無留事縱懷時自將遠業更中外  
不向榮塗計速遲冲談本從天理得安閒常有道心知  
元元未盡躋仁壽日望登庸為審思

郡齋春暮

自覺勞生萬事非宦心從此更遲遲淒涼好飲悲春酒  
閒暇猶吟送老詩軒冕去來皆萬物雲山早晚是歸期

懷民報國終無術  
空負顛顏對一麾

淨德集卷三十四

欽定四庫全書

淨德集卷三十五

宋 呂陶 撰

七言律詩

次韻張懷安題雲頂浴室院

山門漸近少凡塵  
佛子長棲物外身  
款戶多因遊寺客  
倚欄時有羨魚人  
祥雲結蓋應非霧  
法雨飄花別是春  
數刻盤桓覺蕭散  
回頭官事又勞神

次韻張懷安喜雨詩

雲密西郊未作霖，暫憑精禱快羣心。  
望如至寶難搜索，來似嘉賓忽訪臨。  
古廟有靈惟響答，洪鈞於物已恩深。  
春膏直待沾濡足，不使狂風取次侵。

過金堂偶記舊詩因贈宇文縣宰

嘗聞縣古槐根出最愛官清馬骨高。  
前輩有詩談事實，今辰此景入風騷。  
飛雲幾處籠山頂，密雨連宵發土膏。  
公事稀疏吏歸去，不妨歡待對春醪。

和野軒答李著作見寄

公居何事葦幽軒  
客味蕭條稱養閒  
人笑規模猶物外  
我憐風景勝花間  
穠林闕影舒帷幕  
淺溜餘聲雜佩環  
欲把郡圖傳向北  
座中常得見岷山

登攬秀亭

亭在西山積翠中  
煙嵐氣象一重重  
芟開簷際偏高竹  
見得雲間最後峯  
野色為誰長鬱茂  
物情於我似從容  
年來已有林泉興  
倚着闌干興轉濃

次輔元韻

山嵐積秀望中青路轉松陰步步迎十里晴郊供野意  
萬家和氣發歡聲春臺不覺殘春景樂國偏知衆樂情  
公向蜀人深有意更憐風物暫閒行

鍾陽道中和酬輔元

忽捧瓊瑰俗眼驚荷君深照舊交情歸心自喜雙親壽  
拙計難酬厚祿榮十舍路岐平野闊幾重村落霽烟生  
羈遊每憶家山樂況是花時到錦城



送任遵聖之官富順二首

千大蒼松出故林，喬枝成就古根深。  
棟梁須負平生用，霜雪難移此日心。  
月白曾經丹鳳宿，風悲定有老龍吟。  
重巖複澗何緣幸，一旦家家得茂陰。

野鶴孤高舊羽儀，超然殊不事卑飛。  
有心雲路翱翔去，回首芝田迤邐歸。  
白日漫教羅網密，紅塵堪笑稻粱肥。  
仙家自有千年約，應許先生學令威。

竹枕

不誇雕琢畧磨礱溪叟持來贈野翁  
冰雪易侵毛髮際塵埃難到夢魂中  
消除暑愠宜無價安養慵閒似有功  
富貴人家應笑我水晶新樣極玲瓏

次韻家渠州承議春陰

春工用意本華鮮氣候陰沉未逞妍  
風色送寒無甚雨雲容垂遠又非煙  
遷延鸞舌應嫌巧抑遏花心恐占先  
稍待新晴纖翳廓穠芳齊媚艷陽天

官舍東偏海棠開最晚落亦後時以詩嘲之

花到春深半已過此花猶見滿枝柯傳來芳信雖為晚  
占得韶光却是多愛惜錦文愁雨急留連妝臉笑風和  
後先榮謝人休問且伴樽前一醉歌

送秦漕歸淮南

襲得芝蘭一室薰更將三美向誰論

原註公與某同時  
中第在潼川嘗共

事鹽岷蜀報政又得繼踵宦  
遊之美有此三者亦罕也

光輝自可誇僚友契愛猶

能及子孫金節暫求康爾俗錦衣歸去大吾門西南終  
是天涯遠却羨鸞鳳集九閭

寄新寧黎叔蒨

平日論交重久要每懷高誼寸心搖君恩最是憂民社  
吏隱偏宜遠市朝諄諄佇聞流尺素嘉篇頻為寄瓊瑤  
笑言契闊勞生甚別後堪嗟壯氣消

寄周才叔

天涯羈宦落蓬蒿漫說平時器業高寒暖所逢皆物理  
悲歡相較只秋毫徒嗟壯士難行已懶學風人便著騷  
樂道養閒俱可羨念君清誼甚魂勞

和周簡州寄范蜀公三章

禁林元老忽西歸衆謂西州此事奇  
矰繳漫勞鴻去後桑田未變鶴來時  
一鄉金帛皆沾惠千載松楸得奉祠  
預想年前至京國子孫持酒獻春祺

春深歸到錦江頭笑傲光陰已晚秋  
內相貴名雖烜赫山翁行李甚優游  
詩中氣格超摩詰方外情懷類子休  
原註莊

叟字

南下有期風月爽鄉人從此望仙舟

法從深嚴寵祿榮清標素節兩難并  
有心報國雖謀國

無意求名又得名道服豈煩垂寶帶安居何用飾華纓  
秋風一夜喬林減惟見松篁不變更

昨日

昨日文書挿羽毛征夫連日整弓刀雲如野色隨時慘  
風作邊聲特地號八陣威靈今可託六州形勢古稱高  
西南久不聞金鼓莫遣人人著戰袍

又賦二首

千里征蠻向不毛坐籌先勝自三刀井中蛙力狂雖躍

弓下猿聲怯便號草白見城羌地淺月明聞角漢天高  
將軍幾日當雄捷速把功書上赭袍

忠膽輕生甚一毛奇謀破賊銳於刀橫行容易平烏合  
面縛須臾作犬號霜甲共輝軍帳冷煙烽齊出戍樓高  
羌酋若也投降早定得君王瑞錦袍

雪

白金鋪野玉堆簷獨上危亭喜再瞻多積豈能填澗底  
已高猶未累山尖碎聲著物飄來急寒色侵人霽後添

時節霏霏未還役賊平消息願重占

岷峨王高士賁年中祕墨帖來求跋自言能護真  
氣鍊大丹罹兵禍而輟同輩有志於斯事者皆然  
又言老人村凡二三百歲者亦皆死於兵嗟夫兵  
之禍生靈甚矣禍蜀則尤慘禍及高士更不輕矣  
遂為之賦詩

道人少日鍊神形兵禍俄乘竟不成欠為黃庭判一死  
所酬丹事又三生眼看殘盡難窺老膽破寧寒犬舐盟



豹養虎攻嗟爾似却求翰墨作虛名

石泉道中和綿州通判李朝散見寄

深僻崎危不厭過欲將涓滴助恩波躡雲高步三休在

踏雪清寒一倍多依約度溪投野店逡巡扶杖歷新坡

原註山有極險如不可登者里人謂之新坡

初春此去纔旬日屈指流年奈

老何

有觸

三十餘年齒士林青綸一命鬢霜侵策名雖動遲留嘆

行已常存少壯心月滿漲潭清遠夢春歸平野付長吟  
前溪況亦稱南浦惜別情悰幾倍深

城西龍祠二首

市橋官柳翠陰垂路嚮西郊駐彩旂故事每從遐俗尚  
清歡又送晚春歸留連野色遲遲去珍惜年華冉冉飛  
老杜有詩殊有味風光流轉莫相違

林密溪寒錦浦西千年靈宇舊憑依竹村迎路堪行樂  
麥壟連雲已應祈詩將早從吟社去遊人暮到醉鄉歸

隼撫莫倦徘徊久化日舒長未夕輝

和賞申氏園海棠

誰裁錦段碎文章憑借春工便吐芳自是多花宜少葉

原註蜀人以花多葉少為海

棠花葉相間而開者非也

肯教仙格有凡香妝容試

酒偏增麗舞興迎春擬作狂使幕縣庭雖甲乙更饒鄰

圃借餘光

原註舊記云成都使院海棠第一歲都縣庭第二今中國所植乃其類也

和姚提舉賞海棠

曉霧籠花暖漸收萬枝難盡數花頭胭脂半為傷春淡

錦帶翻因拂地羞，園飲舊風傳樂國。

原註：田宣簡云：命酒園海棠而飲乃

蜀故事

縱吟清味屬詩流，西園韶景真無價。紅滿池臺月

滿樓。

和蜀守道中書事

天恩流布下天津，沴氣消除生氣淳。昔慮早饑農失職，  
今逢賑惠澤如春。綏懷有術推儒者，全活為功類古人。  
賢傑一心溝壑起，翕然歌頌在生民。

題友人西行雜詩

一官一集古稱賢未似西征五十篇  
雅頌純音流管磬  
風騷餘味到林泉  
先生曉岫刊岷石  
價踴春溪費錦牋  
愧幸師門舊林教  
得為家寶子孫傳

讀黜邪詔

天詔丁寧逐佞柔  
不須請劍復持矛  
平生邪膽君前落  
後日汙名紙上傳  
寶鑑乍開消魍魎  
正聲纔作罷離兜  
便為菹醢何嗟及  
貪得浮榮似食鉤

晚向南樓

野情無限物無窮一凭危樓又晚空過雨郊原渾積翠  
送春亭榭尚餘紅煙光已屬綃圖上湖影初歸寶鑑中  
飛鳥潛魚應自得倚欄小憩豁雙瞳

送張穎達屯田

西風獵獵馬駸駸極目歸途寄靜吟美玉自藏圭璧用  
寒松偏有雪霜心皆知舊德淹郎署合寵耆儒鎮士林  
勢利競馳孤介少為懷清誼動離襟

和寄治之少卿

榮路層層滿眼開  
家山在望懶徘徊  
霜侵客鬢須歸去  
塵拂朝冠是儻來  
一棹綠波遊不厭  
三竿紅日夢初回  
更聞觴咏同幽趣  
應少閒人可預陪

送張靜之少卿東歸

禮寺居卿寵搢紳  
若求清議尚沈淪  
三千里外甘投足  
四十年前已化鱗  
何必萬鍾如己欲  
好將一笑寓天真  
當時共獻藏珠賦  
壽考康寧有幾人

象棋二首

咫尺楸枰計慮深  
偶緣嬉戲便交侵  
縱橫各有往來道  
勝負豈無名利心  
終局漫誇兵得地  
在宮渾倚士如林  
安危成敗何殊此  
付與閒人為討尋

星布重重陣脚深  
不須輕敵事相侵  
渡河雖藉奇兵勢  
對壘難知老將心  
酬酢巨杯宜燕席  
消磨永日稱山林  
呼盧格五前賢有  
莫笑年來共講尋

送楊聖愈口中赴益倅

畫轅曾記到西州  
莫為題輿厭滯留  
官況優如支郡樂



風光渾似昔年游日無餘事知閒暇時有清吟競唱酬  
政績易成恩典在天涯不覺兩經秋

寓意

夕陽芳草自天涯倦客何須感物華無計可能逃世網  
有心剛欲慕詩家將烹誰惜能鳴鴈安足翻成強畫蛇  
白髮漸多瞳漸翳少年相見莫揄揶

秋郊

西風蕭瑟動年華村望猶將景物誇山色半隨雲勢斷

浮光多被竹陰遮  
社前歸興雙飛燕  
雨後新聲幾處蛙  
萬里橋南亦如此  
十分有意在農家

寄唐君益

秋日晴如春日遲  
山間水際盡光輝  
江湖頓減騷人詠  
父老爭誇太守歸  
歲晚莫驚松易葉  
時來又見錦為衣  
門前行馬雖崇峻  
應許衰翁一叩扉

淨德集卷三十五

欽定四庫全書

淨德集卷三十六

宋 呂陶 撰

七言律詩

廣安鹿鳴燕送諸進士

文章得雋自雄飛  
平地青雲有路岐  
勸駕寂寥慙漢詔  
升歌髣髴見周詩  
九秋煙雨登臨日  
三月風雷變化時  
回首不須題競渡  
錦標爭勝已知

次韻李才元舍人二首

求閒得請信賢哉，曾歷星垣侍從來。  
標節向人清似玉，紛華於己冷如灰。  
仙壇露重吟懷爽，禪榻風輕睡眼開。  
昨日尋梅奉談笑，竹軒松塢共徘徊。

當年累疏徹堯廷，不爲虛名自得名。  
霜雪盛來松秀茂，風波散後水澄清。  
紅塵漸與高情隔，綠髮應隨喜氣生。  
否泰卷舒公自悟，不須端筭問君平。

致政侍郎知郡學士賡和詩凡數篇，謹用元韻寄。

呈知郡學士

玉色諸兒復若蘭  
綠衣想見日承顏  
塵纓遠濯滄浪水  
燕几深居畏壘山  
俗眼漫譏身察察  
人情方喜志閒閒  
夕陽歸興隨飛鳥  
真意無人語此還

遊交城石壁寺二首

十里縈紆路轉山  
山城深入翠微間  
何年勝地雲霞老  
終日清風歲月閒  
池上蟄龍方隱伏  
巖前遊客暫躋攀  
却嗟鸞綽遺居在  
難向空塔一叩關

山僧何事下山迎步撒山腰到寺庭清梵一聲沈夕鐘  
碧嵐千幅展春屏自慙羶鎖非眞賞乍見林泉似獨醒  
回首暮鐘留恨處斷煙層靄倍青青

題信相院林亭

深靜禪門秋復春不知門外是紅塵滿庭修竹有君子  
終日好風如故人曲徑最宜巢翠羽澄潭猶足養纖鱗  
年年寓泊知閒味每謝林泉作四鄰

按視麋棗堰次韻

郊原氣象欲迎春祠下喬林秀色勻數里舊防能禦患  
二江流水不迷津輿言此日蒙深利惠政當時念遠人  
公意勤勤議增築又逢賢傑繼芳塵

麋棗道中

藩政雍容慮在民暫行千騎按江津寒侵客袂逢輕雨  
翠拂林梢覺淺春極望風光迷綠野縱吟懷抱脫紅塵  
願公改作劉公堰留得嘉名諭蜀人

松

游人何事種芳菲  
試把庭松較盛衰  
得地不將天質改  
有心惟與歲寒期  
一軒野色栽培後  
十月霜華秀茂時  
造化果能周及物  
亦須千丈引喬枝

遣興

每嗟無計遠紅塵  
願讀仙書學養真  
收得寸心清似水  
放教雙鬢白於銀  
功名見誤回頭晚  
風物相驚滿眼新  
一卷黃庭有深趣  
誦持聊以愛吾身

和李寶文紫庭玉節花



雲枝玉藥兩難加應是殊庭種此花地產有時呈秀異  
仙標無意競繁華已持寶瑞傳君命更擁香幢送道家  
若預景文方物志定先羣卉贊祥葩

原註皇祐中宋景文誌蜀中方物凡

數十種物爲之贊惜乎時無此花

### 送李寶文還朝

使華西指主恩深又見鰲頭此鎮臨十載星霜皆化日

原註公領漕鎮蜀凡十年厚德及物多矣

百城桃李盡穠陰層霄自得翔翔

路止水難搖淡靜心全蜀蒼黔共傾耳即聞和氣入薰

琴

古松館

大字新題重古松標題不與衆人同  
何年直幹藏山驛  
半夜寒聲滿道宮  
並秀雅宜雲壑外  
相逢最愛雪霜中  
秋深縱使喬林減  
未許堅姿墜晚風

和郝仲輔開化寺三首

寺在西山第幾重  
山僧相遇喜相容  
寂無塵慮到禪室  
瞥有秋聲來野松  
已恨夕陽催返轡  
又過危磴聽殘鐘

烟霞更約他時望未必高懷負翠峯

目前塵坌最重重仁見名山喜動容  
選勝道裝堪著屐談禪塵柄亦揮松  
千尋急欲攀秋徑十里猶聞擊午鐘  
下得巒林又牽俗特書歸恨寄晴峯

煙嵐深處幾千重難向丹青寫物容  
層閣試憑窺百里函經幄讀倚雙松  
喬林乍響回秋籟棲鳥頻驚爲晚鐘  
莫笑下山猶悵望浪仙平昔愛三峯

送錢端履歸二曲

君去金淵十五春暫歸翻是客中身千年丘壘勝當日  
兩世親朋無幾人塵尾幸能銷白晝馬蹄還厭踏紅塵  
錦衣會有重來約應笑衰翁漉酒巾

晚飲

霽景宜將遠眼看綠陰垂地已春闌山巔日出方乘暖  
峽口風來又作寒老去心情非往事閒中談笑有餘歡  
玉盤四照江如練忍對澄輝不倚闌

送文達甫贊善

洪河一曲晉溪濱自有餘波及四隣  
循吏風聲今慕昔  
淡交情味故如新  
江山極目登臨遠  
歲月驚心聚散頻  
無限名園費吟賞  
化工偏與洛陽春

和成都轉運判官孫聖微見寄

文章平昔擅才名  
使指於今總列城  
甲乙常聯榜中第  
東西俱作劍南行  
清吟愈覺交朋厚  
老別難堪歲月驚  
惟喜歸途近霄漢  
吾鄉留得是嘉聲

和重己晚菊三首

衆菊爭開此獨遲已過重九見新枝自甘化力均先後  
不與春芳較盛衰秀藥漸繁微雨夜清香終在早霜時  
詩人未便移青眼會有金樽是已知

花開雖晚莫嗟遲落盡千葩發幾枝清露有恩殊未報  
寒風無賴不能衰幽芳自占三秋景真賞堪同九日時  
蝶少蜂愁人事別餐英獨有屈平知

仙翁培植一何遲點綴黃金更滿枝秋色已高方秀茂  
物華皆老未凋衰幾多俗客慵留意無限妖花笑後時

獨向風霜對松竹潔清標格自相知

聞說一首寄與可爲堯夫作

聞說蓬仙作小麾湛思從此破羣疑平生直道宜三黜  
自古周防用四知松竹何嘗凋晚秀稻粱應且續朝飢  
不須利口歸豺虎皎皎清穹未易欺

次韻贈陳季常

一塵殊不掛胃中標韻高閒辯論雄詩得江山深有助  
道曰橐籥易爲功平生擬效漆園吏何日相逢黃石公

可惜壯年長策在却陪明月與清風

伏日池上二首

塵氛不到此池亭  
庾伏長來駐旆旌  
波蕩畫船衝岸急  
露明翠蓋遇風傾  
一先有得蕃頰勝  
衆樂無嫌酒屢行  
紅日漸低鐘鼓近  
路人歌笑望專城

南風時起有餘溫  
晷影炎炎勢欲焚  
堤上遊人皆樂俗  
坐中豪客少將軍  
深思闊沼生冰色  
尤畏晴霞散錦紋  
待得清涼到襟袖  
斷煙重疊送西曛



題致仕袁成均燕申亭

掛冠歸後愛林泉  
擇地爲亭欲看山  
清畫絕無塵坐到  
白雲常與性情閒  
詩書教子雍容外  
琴酒娛賓笑傲間  
堂構不隳門有慶  
綵衣終約錦衣還

送李寶之

流落文場晚得名  
十年猶未脫銓衡  
軒昂本爲太平起  
憤歎却因多難成  
方畧滿懷期樹立  
塵埃蒙袂且將迎  
由來不遇須臾器  
豈是佯愚學甯生

送修孺歸通泉用陳圖南韻

猿鶴皆飛昔日聲安車歸去路岐平高懷無累能知止  
半祿雖微亦代耕林下光陰尤覺永環中氣象有餘清  
塵埃滿抱華顛客笑指泉山羨此行

次韻送人有感

三月山城送客時山頭芳草又離離紅塵道路今猶古  
清酒罇罍樂勝悲鄉外忽搖懷遠意坐中聊賦惜春詩  
洛陽風景別來从應屬少年游俠兒

送交代茹安禮二首

平日陽和已浹民，浪馳幽迹紹芳塵。  
芝蘭秀品推前輩，

桃李清陰及後人。諄誨有聞知契厚，  
縱談無間覺情親。

去思從此憑何慰，待刻銘詞上翠珉。

原註：安禮新縣獄記，且銘之當爲刻。

石以久其傳

越溪春水碧迢迢，岷岫晴嵐翠欲飄。  
故國風光頻夢斷，

殊鄉景物易魂銷。何時執友無睽索，  
此日長亭倍寂寥。

把酒送君同一醉，羨君東去客心搖。

送曹憲州

山頭紅日照紅旌  
祖席仍歌塞上行  
慷慨有心終破敵  
燕閒無事暫專城  
朔風動色驂騑健  
秋水澄光寶劍輕  
萬一羽書飛到郡  
定煩方畧取功名

送范庠博

十載閒經紫塞秋  
辟書連上得君留  
一身已共冰壺潔  
八法堪同墨寶收  
壽几歡心憐綵服  
詩庭虛席待良籌  
古今京洛風埃甚  
去有亨途莫倦遊

再和送李大夫

莫聽灘前漲水聲  
少遲樽酒話平生  
堪嘉祁老初辭位  
却笑樊湏欲問耕  
落日望君三舍遠  
西風惠我一襟清  
江流自在悠哉興  
得得回船十里行

送永康司理張思純東歸

曾把叢蓍叩大鈞  
少逢升漸屢逢屯  
平生道在惟藏器  
今日途窮恥問津  
萬事感懷歸白髮  
九衢欺客是紅塵  
何須便作林泉計  
未必文章誤此身

送祜歸胡宜甫

京洛前年困客塵，孤舟今去楚江濱。  
位無高下在行已，邑有政刑宜福民。  
人子歡心憐白髮，壯夫幽抱感青春。  
絃歌已治庭闈樂，休說窮通問大鈞。

送淳于溫其

五陵豪客攬歸鞍，行矣休嗟蜀道難。  
世治不須專將閭才雄，自可陟詩壇。  
虎符金印亨途在，夜笛秋琴逸氣安。  
至寶投人猶按劍，慎將騷雅載毫端。

送道粹

泛交如面顏紛紛珍重賢豪有所存高論向人須藥石  
壯心於俗不寒溫已懷忠孝歸儒術誓取功勲襲將門  
蜀道阻長秦塞闊夕陽芳草最銷魂

大享肆赦府帥賦詩次其韻

運際重熙講克禋祖宗嚴配答慈仁典章備物該三代  
殿寶殊名應五辰早歲侍祠曾受嘏外方留鎮屢頒春  
皇恩更遠皆宣布自此祥風起八垠

答文通卽席見及

春華穠處客心闌俗事勞勞近萬端嘉景良朋豈常遇  
清詩濁酒暫相歡飄零宦況誠非欲烜赫名途未易干  
惜別戀游深意在寄聲絃上約誰彈

喜文通西歸

每記江頭舉別觴別來如昨幾炎涼年華莫問當時水  
鬢髮皆添近日霜伏櫪已甘常蹭蹬凌雲猶滯遠翱翔  
羨君標韻終蕭灑恰是花開到故鄉



喻明仲自成都憲使領漕湖北

荆楚旬宣盛事誇十年重複賦皇華

原註公頃年嘗提點湖北刑獄今復

將漕

更紘已見調疏越切玉猶須試鑄錫隨手春風飄塞

下

原註渠陽飛輓公是任焉

迴頭膏雨潤天涯親聞父老慇懃說溝

壑沾恩數百家

原註西州盜醞之獄沒產甚衆公推舉法令多所還給憔悴更生無慮千數人

父老能談其詳予熟聞之

寄眉守黎希聲

千騎駸駸出錦城鄉人翹首望先生二年爲郡應須樂

數日遊山已快晴泉石有誰陪道話雲霞無限愜詩情  
紅塵拂袂良朋少時向西風願寄聲

送戴正仲大夫歸玉局

請得琳宮別未央西行行色重增光官曹冷淡如逋客  
風物鮮明類故鄉歸去林泉謀已定閒中詩酒味偏長  
市橋側畔鄰居日應許過從亦道裝

送陳正臣遊昌元

三月狂風不惜春客愁千斛付行人平生操履由吾道

何日安閒遂此身  
陌上紛華空白晝  
山中氣味少紅塵  
歸來必遇求賢詔  
莫向窮途苦問津

答趙賓與同年見寄

羨君方寸最澄清  
何必滄浪更濯纓  
玉麈縱談聊入幕  
錦衣歸養自專城  
交情久似喬松茂  
詩興濃如皎月明  
閱味來章佩勤好  
却慙塵耳聽咸莖

和子瞻寄希聲二首

通江山水甲岷川  
和氣融融滿四邊  
儒者易成千里政

鄉人近得兩重天金罍淺飲雖歌舞玉塵高談盡聖賢  
不是春秋爲冷學借畱何計及三年

海勢茫茫會百川一麾正在海西邊鴻收迅翮方棲渚  
鶴吐清音自徹天落筆盡降詩裏將放懷常對酒中賢  
及鋒急用應非晚畱帶紅塵已數年

和信夫屯田疾間偶作二首

安居無事莫興嗟聊放高情喜溢涯攬照不驚頭染雪  
讀書未信眼生花謳吟罷後詩筒減方論搜來藥劑加

見說道心從此壯幾回清夢到仙家

仕路浮沈不足嗟到頭何處是津涯庭中度日多無事  
湖上經年各有花熟焙春芽香不散輕澄臘醕味偏加  
憑君莫賦思歸引一郡相歡似一家

和王齋太博見寄

惜別心情彼此難想君歸去自能安輕舟盪槳依平岸  
快水流冰下險灘夢到親聞方歲晚路迎江國少春寒  
牡丹時節西園醉不得相同一倚闌

送皇甫東彝殿丞

征車千里極關河，特遣離懷賦綠波。  
晚節不隨華髮變，歸裝還載異書多。  
雲霄有約增攀望，文酒相逢異嘯歌。  
若相清朝許投筆，生平孤劍願重磨。

欽定四庫全書

淨德集卷三十七

宋 呂陶 撰

七言律詩

戢武堂書事和韻

永日華堂靜掩扉  
道腴深味敵珍肥  
一軒有景詩求勝  
十邑無塵寇懾威  
雅性自高閒去樂  
汎交難合信來稀  
誦君清句知君意  
祇任天真不任機

和董奉議喜雨

需雲甘澤為時來間作雄風鼓迅雷信有威靈周闔境

應無偏黨限枯荄滿山和氣卷舒易

原註六月壬申辰刻客有登清風閣

者見白崖煙霧如練勝空而起疑其欲雨午間果大霽詢之里人云子惠行雨先有雲氣起於廟上一夜

豐年消息回愆亢霖霖皆吏責幸憑神力庇凡材

提舉道祖監丞愛靈隱泉之景因廣其地可置生

席賦詩見貺極有雅味次韻奉謝

巖溜涓涓在目前更開餘地助賓筵方池可鑑無深淺



樽酒相逢有聖賢每為野情貪勝槩暫憑清味滌塵緣  
何時學得琴書趣一寫林間石上泉

登兜率寺閣次薛道祖韻

乘閒極望興悠哉遠眼宜於此處開危磴直穿修竹徑  
虛牕深占白雲堆江湖有景侵平野棟宇何年倚巨材  
自是登高乃能賦誰嗟古往與今來

道祖訪趙太賓舊居惜其荒毀慨然賦詩有懷賢  
念往之深意次韻

經濟書成秘書收依然蓬華在巖丘淒涼往事慵開卷  
想像高風合倚樓山色無言終日見泉聲有恨為誰留  
懷賢訪古閒中味宜與詩人作勝遊

道祖示及遠祖師像及唱和佳什次韻

山深縣古蜀江濱  
徃哲聲華尚未湮  
物外低昂應絕品  
榜間庾硬亦通神  
名稱三鳳古為瑞  
書作二家今有人  
首唱繼酬皆盛事  
通泉從此識陽春

清風閣晚景

晚際閒將景物看，  
郡人休笑苦憑欄。  
遠山露色知晨霽，  
素月籠光報夜寒。  
野燒順風穿絕頂，  
漁舟隨浪轉長灘。  
故鄉回首七百里，  
歸去不辭行路難。

伏承原伯安撫侍郎為江雨所阻未即會見遠寄雅章深叙勤眷次韻奉答

憑高日日望交遊，  
方寸飄如一葉舟。  
文酒相從期賦詠，

江山何事尚遲留。  
洲中橘熟輝晴晝，

原註潭有橘洲

潭上花繁

送暮秋

原註鄧有菊洲

南路士民應有語，  
旌麾早晚到吾州。

和寄景仁致政侍郎

文章道德有源流  
進退蕭然信自由  
身在禁林方倚望  
年侵老景便歸休  
素雲收雨還層岫  
勁栢凌霜茂晚秋  
何日家山縱吟賞  
閑中情味更優游

榴花

十分紅色占亭臺  
不恨春風不許開  
榴疊染成隨日麗  
芳菲過後為時來  
賦詩多是題千葉  
釀酒誰能飲百杯  
翠萼丹鬚無計學  
佳人屢把絳紗裁

殘葉和韻

秋光何事易陵侵不許芳條展茂陰  
曉色向風生別意夜聲隨雨入愁吟  
已嗟禽鳥幽棲淺漸失園林幾處深  
榮謝循環都物理肯將零落動予心

和禮部孔經甫齋宮三首

試思離合數光陰日月消磨世累侵  
晚歲心懷如止水舊交情分敵兼金  
相從不厭春壇遠共語誰知夜漏深  
頻閱來書論勤意愧無青玉報璆琳

讀書到老應成癖了事他人莫笑癡敲印舊曹煩夜直  
看花新句感春熙已聞騏驎騰千里應許鷓鴣附一枝  
薦牘屢交虛席久壘簾應喜共君吹

嘗馳別乘走龍沙過盡春寒始到家已置功名如外物  
只憑詩酒作生涯迴頭忽上青雲路洗眼重看紫禁花  
百日綵綸君定掌文章從此燦朝霞

瑞聖園齋宮

花鈴重開不禁闌眼前芳景未凋殘仙花笑日欲爭媚

禁柳受風疑怯寒詩興似春多麗藻齋心如冰自澄瀾  
憑君賦盡園中景免向綃圖指點看

致齋北園因記舊遊書呈經甫

齋館深沈舊苑開嘗從祀事偶參陪故人已步青雲去  
倦客還尋紫陌來清景暫從塵慮滌流年長恨物華催  
唱酬不講詩情懶獨對風光彊剪裁

與臺中同飲答諫院王明叟

休沐無多款聚難暫留佳客解朝冠鰕頭泛酒樽前樂

麈尾生風席上寒陪集敢誇言路盛  
諏諧漸覺醉鄉寬  
敲門又報青蒲信捧得新詩似執桓

再和

溫風一袖已薰然燕坐何須更整冠  
沈李杯盤聊避暑  
飲冰懷抱暫生寒縱談無間情相照  
清句難酬韻不寬  
莫笑未曛車馬散嘗聞陳仲諷齊桓

同文館諸君遊金明池

春風拂拂動輕陰四望歡聲雜雅音  
人在華胥無限樂



路經蓬島幾重深  
潛鱗可羨游靈沼  
巧舌時聞轉上林  
況有賜罇堪一醉  
百愁從此定消沈

和觀瑞聖宮殿有感

屬車何日泛塵清  
舊苑沈沈隔禁城  
別殿未聞天蹕嚮  
華封常聽寶鸞聲  
禽魚欲遂靈臺樂  
燕雀終期大厦成  
敢告冬官舉常職  
莫將池籞等閒輕

次韻芸叟燕瓊林苑

御水休論九曲池  
宮花爭發萬年枝  
長虹駕浪人間去

大翼乘風海際垂

原註大翼巨舟之異名事見文選

均被上恩容燕集

共憐嘉景事遊嬉願公早獻金明賦紀述吾朝全盛時

和芸叟左司被資治通鑑之賜感事賦詩

廟席詞林一二臣校讎選述體惟均聖心欲以古為鑑

史法有如王次春神武略中書事類

原註仁宗嘗撰神武秘略凡軍政兵

機之事靡不該載此書亦紀將帥之方略其一端殆相類近

天和覽後得名新

原註太宗

嘗詔近臣撰天和殿御覽數十卷分門紀事亦此書之比

羨君受此傳家寶遺與兒

孫似昔人

和彥常舍人元夕扈從二首

東風將暖不鳴條  
霽景瞳瞳薄霧銷  
五隊繡衣華廣陌  
一聲天蹕振層霄  
清塵少拂鸞旗動  
紫氣長隨鳳蓋飄

向晚都人相與語  
更誇明日似今朝

原註次日太皇太后駕出

羽衛森然翠輦平  
仰瞻天步出西清  
月行青道夜如晝

春入皇州花滿城  
三五良辰傳盛觀  
九重歸路沸歡聲

君王已向龍樓望  
喜奉慈顏酒數行

原註是日午漏上御宣德門俟太皇

太后回

駕觀燈

己卯冬至後

月律潛萌斗柄移陽和氣象等閒知五雲已驗天心順  
一刻先添日腳遲燕雁待時思北嚮嶺梅春暖發南枝  
人人盡有春臺興料得東風不失期

次韻答何爽監簿二首

十年勤苦學詩騷擬向篇章運短毫廢井心情傷汲綆  
沈舟氣象怯驚濤叅謀可法無如杜常侍難攀獨有高  
自是土風忘不得南音莫訝楚囚操

清才何事愛清吟  
從古詩人誤此心  
按劍莫投隨氏寶  
騎驢難和有虞琴  
賦成物外雲無著  
搜到天涯海不深  
自顧巴詞終鄙俚  
願從隣友聽純音

穆伯通謫官合陽  
居常鬱鬱忽見近  
報必有賢守  
善待故以詩賀之

浪如奔馬葉舟輕  
畏景炎炎盡室行  
自處雖無遷客恨  
相逢誰有故人情  
年來江上嘆頭白  
日近樽前覺眼明  
浣濯塵埃好吟笑  
春風旦暮入巴城

送穆伯通歸成都二首

官遊無著任東西通塞惟將物理齊  
平日風波方艤棹經年桃李又成蹊  
塵埃易沒千金劍霄漢誰為數尺梯  
三驛錦江歸去近知君不厭子規啼

欲賦長謠贈別君不勝離緒懶條陳  
讀書有感舊循吏對酒無悰少故人事  
往何須嗟蹭蹬時來應是起沈淪  
石城山下西南望更約瓜期在早春

和靜之登樂俗亭

亭下寒流碧似天  
亭邊疎柳尚嬋娟  
山林隱隱峴峯出  
江路超超楚峽連  
對景宛然開畫幅  
放懷宜此醉金船  
嗟予望極終留恨  
千里濃雲與淡烟

子進舍人北歸過衡陽累曰會話粗釋睽間之念  
復辱佳章存慰哀朽輒次韻以謝

昔年詞掖與君逢  
今日天涯白髮翁  
賴有江山供晚景  
未先蒲柳困西風  
歸心已適三川外  
高論仍倍一笑中  
深幸永寒交道在  
非徒清句及衰窮

道州何道士相會於途次匆匆告歸余亦北還作  
詩致遠別之意

九疑山色望中青似與湘江展翠屏終日掩關澄俗慮  
有時開卷讀仙經談端往往該窮達酒興悠悠混醉醒  
南去北歸皆惜別更嗟衰鬢尚飄萍

王定國北歸過衡陽惠示四詩其聚散憂樂之興  
盡矣率賡二篇可資笑噓

臘寒嘗醉蒲桃酒春霽空搖舴艋船倦客偶來皆失路



故人相值似逢仙  
半生感事驚殘夢  
兩世知音話宿緣  
聞說三懷長秀茂  
子孫才業信家傳

壯年馳走太行車  
晚歲還家幸有餘  
進取厚顏嗟鶴髮  
退藏深計得蝸廬  
五湖謫去誰收骨  
千騎歸來尚載旗  
迴首太平堪頌詠  
聖君勤政式商閭

過合江望安樂觀

四十年前會作詩  
為題山觀有高碑  
宦遊奔走過此地  
情思光陰非昔時  
北望數峯殊隱隱  
南飛一舸尚遲遲

仙家跬步未能到深愧勞生龍與池

原註皇有初有李道士者來京師求

觀記得翰林李獻臣文石經陽南仲書集賢  
邵不疑篆予嘗以詩美其事謂之三絕碑

答李鎮

老向家山領一麾安閒惟有故人知塵埃是幻勞湔洗  
水月如流任轉移可笑書空徒咄咄願同舍哺亦熙熙  
春來景物雖佳麗多謝東風少賦詩

次韻吳師益三首

從宦故為涉險塗強教人事與心符狂言喋喋真無補

虛譽紛紛更不虞世味已如流水薄野情常逐片雲孤  
聖恩寬裕歸來好免得鄉人笑懦夫

謫官誰更恨蹉跎回首浮雲亦幾何雖向士林為覆轍  
却於言路得餘波當年志氣消磨少晚歲光陰賦詠多  
每閱塵編無愧赧此生應不負丘軻

珍重良交苦愛忘記存愚陋枉詩章華林纔日敷春藻  
郭屋今朝得夜光寶鑑未逢猶獻璞俊鋒終在不推剛  
淹翔日久雄飛近早歲才名振玉堂

昨日漢公承議見召與二三老友談笑退而為詩  
少謝勤意

六十年前里巷遊北歸重此接朋儔據鞍矍鑠誇朱紱  
把酒慇懃勸白頭況是三春同對景何妨一笑自忘憂  
閒中歲月非難遣須仗新詩共唱酬

挽吳太君詞

寶絡疎封得令名人間慶事屬平生身居壽域幾三世  
福及兒曹已九卿埋石有文深紀美弔喪多容亦哀榮

泉塗一往應無憾十八年前古冢成

七言長律詩

答陳彞仲

天質疏慵一野夫因從利祿走官途  
惟知名爵有常履非向塵埃言自殊  
萬事放懷歸失馬百年過客任蹉跎  
雪霜毛髮來還近霄漢岐程去已迂  
凡骨易沉羞許衛短材難斲累班輸  
每甘流落為遷客豈免挪揄笑癖儒  
處落未能醫拙病揅著安敢卜亨衢  
宜將大夢消榮辱

肯把虛名計有無顧我拙艱當晚涖惜君留滯却長吁  
玉工早夜榮圭璧莫使球琳委路隅

聞蛩和長句

唧唧微吟透綺疏乍令人意少歡娛留連夜景蕭條甚  
引惹秋聲迤邐殊似向蜩廬頻學嘯恐隨蛙鼓亦吹竽  
能鳴豈羨蚣蝓股不語堪喧蛺蝶鬚賦就情詩感長信  
驚回仙夢失蒼梧雖知物性何喧寂應念年華却嘆吁  
從此漸為寒月計憑誰與盡小軒圖西堂忽起東歸興

望斷青窩接綠蕪

淨德集卷三十七



欽定四庫全書

淨德集卷三十八

宋 呂陶 撰

五言絕句

寄題洋川與可學士公園十七首

湖橋

湖中少塵氛事外得野趣  
日日過橋來遲留不能去

橫湖

極望渺無際悠然澄碧波清風與明月此處得之多

荻浦

葉底留殘雨叢邊泊小舟夜聲繞索索應是報新秋

蓼嶼

水際柔枝倒霜前晚穗紅野禽來泊此渾是畫圖中

涵虛亭

亭如主人心中心虛見諸外回環四顧間殊無一毫礙

瀟泉亭

漢泉涓涓流可鑒毛髮影淵源既澄清到處是佳景

露香亭

春早花方綻朝寒露未晞可憐蜂與蝶已去逐芳菲

溪光亭

風來綠衣搖雨罷青煙罩隱隱夕陽間漁人理歸棹

過溪亭

野亭傍幽溪從此過溪去平日已忘機沙鷗何必懼

禊亭

山陰已陳迹此樂終如何酒船深不礙去住少風波

菡萏軒

開軒向芙蓉紅綠如捧擁游魚定相忘時見花光動

書軒

隱兀坐幽軒幽懷日彊博黃卷有聖賢幾人知此樂

茶縻洞

瓊瑰露華英綠幄相芘覆幾度得風清真香到襟袖

簣簞谷

漢川如渭川千畝盡修竹疑此是芝田年年生碧玉

寒蘆港

悠悠江湖思擾擾聲名累溪上見蘆花寧無憊然意

野人廬

耕鋤事勤苦賦歛少驅逼終日掩柴荆何嘗知帝力

金橙徑

橙色似黃金佳名最為貴一腹飽秋霜嘗之有餘味

北園

可愛北園景春來游者多欲知民樂否處處是笙歌

六言古詩

用與可韻為湖亭雜興十首

流水三兩條合翠筠千萬枝垂漫說忘情待物亦嘗對  
景題詩

簿領絕無留事親朋少有來書度日此中間坐自慙也  
是官居

湖上澄波似鑑林間曲徑如村雙鳥飛來碧照獨蟬吟

徹黃昏

樓外四垂晴靄簾前一飀清風更倚危欄北望岷山半  
出雲中

治郡乃稱太守退公自是閒人已向環中得趣何須事  
外勞神

弱柳低低舞岸新蒲拂拂籠沙貪向水邊傾耳不知紗  
帽敲斜

樸學粗知義命幽懷聊寄風騷道勝何如時與位卑安

用高言

有著在人為累無營與物何功祇此也該至理懶能更  
說真空

小器祇堪近用要途莫笑閒官到了野情易足自於拙  
分常安

花爛時逢佳節酒釀宜賞青春酩酊任他醉客芳菲付  
與遊人

即事五首



斜日半山隱隱暮雲千里濛濛北望黃昏微月西來頃  
刻清風

閉門可以羅雀垂釣何必求魚有耳倦聞俗事無心更  
讀閒書

樂俗亭下流水嘉會宮前茂林雙瞳日日凝睇遠夢時

時訪尋

原註 借偽時嘉會宮今  
為廢第乃私居之蔬圃

林下木奴漸熟樽前歡伯差濃萬事都來身外一毫不

置胸中

岫嶺數峰秀勝滿湘萬頃清深雲雨有時變化風濤莫測浮沈

七言絕句

讀韓長孺傳

梁孝事平終結愛王恢謀沮已和親  
早知蹇甚難為相何必齎金與貴人

讀朱浮傳

權歸刺舉已條陳博士非才貴得真  
若也國恩殊不賣

單辭未必死功臣

裴矩

西巡北幸四夷朝權寵功名盡易邀惟有高麗猶旅拒  
靈旗從此便征遼

宇文士及

象牀金埒極豪華出入隋唐似一家自古聖君須遠佞  
禁中佳木不須誇

李大亮

游田未見說虞箴佞語貪謀競奉承豈獨懷中有佳鷗  
更教大亮獻名鷹

王求禮

秋晚梨花忽盛開滿朝稱賀不稱災景佺求禮真奇論  
冬月如何有瑞雷

元德秀二首

五鳳樓前觀大酺肯因工拙見賢愚優倡數百被錦繡  
安得人歌于薦于

嗜酒彈琴徒自知  
累囚尸虎縣前歸  
世人名利心不盡  
那得再逢元紫芝

王武俊

巨盜盤根歲月深  
交流戰血競浮沈  
一言便解蒼生禍  
何事君愚薄賈林

陽城

終日銜盃酒是家  
十年全不話忠邪  
一朝便伏延英閣  
餘力猶能壞白麻

張萬福

聞說宣麻伏紫宸願將忠膽觸龍鱗此翁八十真堪笑  
何事昌言有直臣

錢徽

封疆萬里等閒開一日千金不吝財持語無名求貢者  
何須更入古銀臺

舒元興

仗內邪根欲去難承平思慮漸開珊殿簾高捲春風裡

空憶詞臣賦牡丹

李甘

夜進麻詞曉未宣滿朝簪笏盡誼然李甘輕肆君休議  
不相姦凶已可賢

柳仲郢

方當炙手已寒灰倚伏循環可動懷試問華堂歌舞妓  
幾人曾以玉為釵

李景讓

終日清風聳搢紳不存駟石遠他人如何議欲遷三廟  
却使門庭有俗塵

王潮

六幕恢恢皆網羅琴書無計避干戈  
泉南更起招賢院從此衣冠去轉多

為山

累石封泥一餉間層巖疊嶂盡迴環  
真形惟有山常在何事徒勞作假山



植竹

為憐高節聳寒林擇地培根我意深千畝封侯雖未必  
且憑霜雪試虛心

種花

春到窮山生意迴試憑山土育根芽花開莫笑無名器  
縱得名花未易栽

樹萱

北堂風物不驚秋兒女攀憐欲解愁未悟詩人深切意

世間何草可忘憂

原註東野云萱草兒  
女花不解壯士憂

栽菊

花名藥品兩相兼  
種菊雖多豈避嫌  
而我折腰求五斗  
賞心於爾愧陶潛

伐樹

此心非是好傷生  
重倚西軒覺眼明  
但得樗櫟芽蘖盡  
縣人何必笑丁丁

笑往

衛青勲業已闌珊  
驃騎門前輒得官  
榮謝不同人事改  
故人何獨有任安

過張彥輔所居二首

城裡塵埃空自忙  
暫來城外覺清涼  
臨池靜坐有餘味  
雨後荷花無限香

秀野垂楊數里青  
夕陽猶占一峯晴  
病來兩耳如聾者  
聞得巖泉泐泐聲

梅花開盡小桃次之

發盡寒梅千萬枝  
小桃乘暖欲開時  
春風次第來須早  
芳草垂楊莫恨遲

答岳山蓮惠茶

春芽不染焙中煙  
山客勤勤惠至前  
洗滌肺肝時一啜  
恐如雲露得超仙

乍暖可愛

馬蹄經歲踏紅塵  
閨臘光陰已覺春  
遲日暖風真可愛  
年年長是伴行人

久旱

曉雲將雨午還收  
晚日餘炎未似秋  
豈獨稻畦枯已久  
兼憂井竭飲汚流

次韻分司南京李誠之待制求酒二首

世上升沉都夢裡  
春來強健鬪尊前  
公田種秫全拋却  
坐客無種誰與錢

春深風雨半相和  
節物令人意緒多  
中酒何須問賢聖  
和詩今尚許羊何

廣濟寺

十年佛跡留於此屈指山門皆所無  
今日清詩重褒述  
禪林又復有犀渠

瞻岷閣前雙梅將開蘇子美屢約一賞會予行部

左錦未果石泉道中僧舍見楊應之阻雨所題李

義山詩極有意味因次其韻惜梅之未賞且以寄

聚散離合之興云

原註應之題李義山詩云君問  
歸期未有期巴山夜雨漲秋池

何時共剪西窗燭

却話巴山夜雨時

欲賞寒梅先有期，却嗟人事又差池。  
西山雪後東風急，應是寒梅爛漫時。

和通判閻朝奉賞花四絕

春來尊酒屢過從，萬事無如一醉中。  
聽唱歐公洛陽曲，今年花勝去年紅。

多年已分作衰翁，病眼看花似霧中。  
却謝東風無厚薄，芳心皆露十分紅。

田家僧舍有芳叢，競折繁枝獻座中。  
持語佳賓莫輕散。

林梢猶見夕陽紅

好花長是怯狂風  
榮謝都來十日中  
未過清明時節在  
更須携酒覓殘紅

和提刑戶部賞花

年華易去三春半  
花態增新一雨中  
自笑白頭連日賞  
罇前猶揮數枝紅

金州值雪留一日詰旦遂晴乃西

山下孤城倍寂寥  
行人無意暫停鑣  
千林萬壑瓊瑰滿



賴有晴曦半日消

絕句五首

可愛山花百日紅  
南風開得到西風  
一般顏色差長久  
移取栽培後圃中

可羨盆池一寸鱗  
圓荷陰底自由身  
金刀落膾非吾事  
不畏江邊結網人

可笑公庭種牡丹  
日培肥壤設重欄  
好花三歲方成就  
誰向花前一醉看

可惜寶城足海棠山頭澗底盡芬芳成都花品分先後  
此地誰人為發揚

可喜公居近白雲眼前塵事少紛紛紗幮竹簟偏宜睡  
五月庭除不聚蚊

庚申四月六日馬上口占

聖皇恩重恤狂愚待罪山城歲已踰更入西門三百度  
便須跨馬上成都

華陰道中

畏日銜山勢欲沉馬頭西去又駸駸道傍槐柳陰濃處  
時有清風快我襟

過肅寧城

百里郊原極目平未寒林葉尚餘青前村一穗濃煙起  
知是遠巡到肅寧

秋晚

九月西風未肯涼信知時節類炎荒騷人不念天涯遠  
只愛青山對碧湘

西陽道中

千山雜遘開還掩一水縈紆淺復深  
似嘉陵江上路轉令羈客動歸心

過天彭懷昔遊三首

西湖風物似當時惟有流光去莫追  
十四年前植修竹

茂陰如識繞方池

原註池畔修竹予在郡時所植

昔向朝亭種牡丹花開酒熟不勝歡  
霧中雙眼猶能看更約春深欲倚欄

曾向高樓賦晚晴每看魚鳥樂長生  
下樓還是紅塵道不信機心勝野情

初春三絕

雪霜收盡苦寒威六幕融融喜氣歸  
原上枯荇還不死有心剛欲報春暉

誰知真宰執天端天運無私造化寬  
是物向榮皆銳意莫於春色辦蒿蘭

窮山幽谷幾重深一樹東風散積陰  
從此薄冰尤慎履

世途平日已寒心

和王定國二首

三十年前愁送別八千里外喜同歸  
自甘衰叟鋤新圃未許高才戀舊磯

峽上相逢惟話道湘中一笑又成詩  
競將酬唱誇新句不為窮愁減昔時


見嘉陵

嘉陵江水潑藍青徹底澄光明鑒形  
一葉釣舟真自在

漁翁應是醉還醒

過劍關

一別京華十七年  
野情長是戀家山  
謀身太拙真堪笑  
頭白重來度劍關



淨德集卷三十八